

唐圭璋編

全宋

詞

第十二冊

國立編譯館

全宋詞卷一百八十七

韓 澆 一百九十七首

韓 澆

澆字仲止號潤泉尚書元吉子生於紹興二十九年嘉定十七年卒年六十六有潤泉詩餘一卷

臨江仙 爲顧致堯生日

難老一杯春酒美主人玉鑑清秋九華山下共追游朝來多爽氣
都向筆端收 臺閣功名歸去好便應袞袞公侯未妨含笑看吳
鉤當年佳夢日和氣瑞光浮

滿江紅 和趙公明

五老峯前九江上曾生仙客相邂逅貴池亭下定交金石我輩風
流宜嘯詠官曹塵冗從煎逼且簿書叢裏舉清觴偷閒日 同一
笑當今夕梅正好香浮白便相忘爾汝醉巾沾濕已向瓊樓誇意
態似聞金殿傳消息想君今歸去際風雲應相憶

柳梢青

雲淡秋空一江流水煙雨濛濛岸轉溪回野平山遠幾點征鴻
行人獨倚孤篷筭此景如圖畫中莫問功名且尋詩酒一棹西風

醉蓬萊 壽潘漕

問西湖好處樓上薰風有誰稱壽十里荷香對槐陰清晝細浪揉
藍遠山凝黛更管絃初奏醉舞僇僇歡聲沸沸生申時候 膝下
婆婆老萊兒戲帝所輝光使衣呈繡眷倚方隆賜金章華綬自此
飛騰鳳閣鸞臺好滿斟醇酎道骨仙風朱顏青鬢年年依舊

水調歌頭

晁子應三十八丈見過因□張德廣對木犀小飲次德廣韻

明月到花影把酒對香紅此情飄灑但覺清景滿簾櫳人被好花
相惱花亦知人幽韻佳處本同風揮手謝塵網舉步蟾宮 秋已
半幽澗側亂山中故人過我終夕乘興可千鍾有曲江才子坐上
平章花月不管老英雄心事將何寄醉語又恩恩

賀新郎

坐上有舉昔人賀新郎一詞極壯酒半用其韻

萬事伴休去漫棲遲靈山起霧玉溪流渚擊楫淒涼千古意悵快

衣冠南渡淚暗灑神州沈處多少胸中經濟略氣口□鬱鬱愁金鼓空自笑聽雞舞 天關九虎尋無路歎都把生民膏血尙交胡虜吳蜀江山元自好形勢何能盡語但目盡東南風土赤壁樓船應似舊問子瑜公瑾今安否割捨了對君舉

又

病起情懷惡小簾櫳楊花墜絮木陰成幄試問春光今幾許都把年華忘卻更多少從前盟約擬待鶯邊尋好語恍殘紅零亂風回薄思往事信如昨 清明寒食須行樂算人生何時富貴自徒蕭索試著春衫從酒伴亂插繁英嫩萼信莫被功名擔閣隨分溪山供笑傲這一身閒處誰能縛琴劍外儘杯酌

清平樂

七月十三日
潘令生朝

鳴琴單父鳬鳥宜飛去不比河陽花滿樹此意直高千古 清秋
誕日相逢乃同澗上村儂笑指壺山爲壽仁心靜處加功

水龍吟

七月二十六日信
守生朝 王道夫

從來江左夷吾大名迴諸出公右金堂玉室瑤林瓊樹龍麟蟠走

志在神皋氣雄雲夢十吞八九問三槐盛事當年初度人應羨青氈舊 說與文章太守慶千秋好爲親壽冰桃雪藕霞裾月佩鶯鸞歌奏雨熟西疇星躔南極寶香凝晝趁新涼便約乘雲繞日飲天漿酒

清平樂

次韻

蕭然在澗景色秋來冠幾縷明霞紅未斷矯首時時遐觀 回思
五馬清游分明前輩風流留作山閒佳話更誰愁上眉頭

蹋莎行

七夕詞

雨意生涼雲容催暮畫樓人倚闌千處柳邊新月已微明銀潢隱
隱疏星渡 今古佳期漫傳牛女一杯試與尋新句幽懷冷眼是
青山舊歡往恨渾無據

清平樂

壽潘文叔

常思高致又見涼風起歡喜年時爲壽意快寫山歌重寄 願公
好德康寧青雲收取功名莫道而今官小吾儒正要仁民

柳梢青

雨洗元宵樓臺煙鎖隱隱笙簫且插梅花自燒銀燭沈水香飄

軟紅塵裏星橋想霽色皇都絳霄屏掩瀟湘醉和衣倒春夢迢迢

菩薩蠻

同仲明
飲山隱

雪雲收盡晴風軟小山春浪晴波遠梅片已飛香海棠紅試妝

人言詩易與酒殘誰分付不是沒心情夕陽啼鳥聲

一翦梅

送馮
德英

說著相思夢亦愁芳草斜陽春滿秦樓樓前新綠水西流一曲陽

關分付眉頭多少風流事已休粉薄香濃怕見綢繆淡雲籠月

小庭幽明日山長清恨悠悠

海月謠

送趙永
興宰

晚秋煙渚更舟倚蕭蕭雨水痕清汜迤邐漸整雲帆西去三疊陽

關留下別離情緒溪南一塢對風月誰爲主酒徒詩社自此冷

落胸懷塵土目送鴻飛莫聽數聲柔艣

好事近

紅
梅

春色入芳梢點綴萬枝紅玉莫道怕愁貪睡倚新妝如束紛紛

桃李太妖嬈相對夜闌燭記取疏花橫處有暗香飄馥

菩薩蠻

野
觀梅

平生常爲梅花醉數枝滴滴香沾袂雪後月華明膽瓶無限清

夜深燈影瘦飲盡杯中酒明日景尤新人間都是春

西江月

走筆因宋九
韻示黃六

春色著人多少溪頭桃杏舒紅杖藜相與過橋東往事舊歡如夢

花底醉眠芳草柳邊嘶入驕驄如今憔悴坐詩窮莫問醺雞舞

甕

浣溪沙

夜飲仲
明小軒

一曲青山映小池林疏人靜月明時相逢杯酒也相宜醉眼不

知春事少歡情猶得漏聲遲神仙何處夢魂飛

又

仲明命
作豔曲

寶鴨香消酒未醒錦衾春暖夢初驚鬢雲撩亂玉釵橫半怯夜

寒褰繡幌尙餘嬌困剔銀燈粉痕微褪臉霞生

西江月

次
韻

風暖晨光寂寂月明夜氣沈沈山閒林下步輕陰花柳飛絲布錦
酒病向誰能遣春愁惟我難禁尊前一曲斷腸聲夢破曉窗敲
枕

朝中措

次韻

池塘春草燕飛飛人醉牡丹時多少桃黃魏紫搗成膩粉燕支
謫仙醉把平章看晴影度簾遲花外一聲鶻鴂柳邊幾個黃鸝

水調歌頭

清明
嚴瀨

今古釣臺下行客繫扁舟扁舟何似雲山千疊亦東游我欲停橈
一醉與寫平生幽憤橫管更清謳小上客星閣短髮獨搔頭風
乍起煙未斂雨初收一年花事數聲鶻鴂欲春休弔古懷賢情味
只有浮名如故誰復識羊裘賴得玄英隱相望此溪流

西江月

四叔
生朝

梅蕊小春天氣橘林良月風光五雲邊近九霞觴美景初無盡藏
老矣相逢湖海年來游徧瀟湘詩情滿眼興何長贏得煙霏直

上

卜算子

生朝次坐客
韻呈四叔

花底醉東風好景宜同壽海角天涯今幾春邂逅新豐酒
記高陽南渡閒回首但願長年飽飯休一笑風塵表
內集

浣溪沙

夜飲潘舍人家有
客攜家妓來歌

小雨收晴作社寒月橋花院篆香殘杏顚桃臉黛眉彎
歌拂燕
梁牽客恨醉臨鸞鏡怕人看良宵春夢繞屏山

菩薩蠻

海棠欲謝縣飛柳柳絲自拂行人首上已是清明新煙帶粥餇
輕陰簾幙冷閒卻秋千影曲水興無涯麗人花半遮

浣溪沙

壽晁
元獻

湖海相逢更日邊槐風蓮雨壽杯前琴書圖畫水沈煙
共指金
鸞嘗儼直不應彭澤尙回旋今年初度想超然

戀繡衾

晁仲一將到
滁陽新買妾

歡濃兩點笑靨兒雪初消梅欲放時不信道傷春瘦怕人猜猶待
皺眉
香濃翠被屏山曲把珊瑚枕側過又移試與伴江頭去但醉

翁亭上要詩

浣溪沙 題美人畫卷

一曲霓裳舞未終
玉釵垂額鬢雲鬆
夢回金殿月華東
燕子鶯兒情脈脈
柳枝桃葉恨恩恩
羅襟空惹御香濃

步蟾宮 釣臺詞

三年重到嚴灘路
歎鬢髮衣冠塵土倚孤篷
閒自濯清風
見一片飛鴻歸去
人間何用論今古
漫贏得箇般情緒
雨吹來雲亂處
水東流但只有青山如故

水調歌頭 次韻載叔

一枕暑風外
事事且隨緣
隨緣何處琴劍閒
泊此層巔日繞九天樓
殿煙抹四山林薄塵土市聲前
老眼醉還醒猶得到詩邊
橋南院雙桂隱有名言江湖人物好在收拾付書簾
回首吾廬無恙寄臥僧窗何事鴻鵠本高騫
水調賦明月誰道更超然

鷓鴣天 蘭溪舟中

雨濕西風水面煙
一巾華髮上溪船
帆迎山色來還去
舫破灘痕

散復圓 尋濁酒試吟篇
避人鷗鷺更翩翩
五更猶作錢塘夢
睡覺方知過眼前

水調歌頭 次宋倅韻

嘉節已吹帽
誰復見南山
南山佳處臺上雲繞一溪環
猶記使君同醉化鶴千年何在今
自古自應慳勝事
漫陳迹風物只高寒
都莫問歸酒畔集毫端
等閒吟笑而已賴有孔融尊偉矣
廣平心致贏得相遭淡泊感舊唱酬閒
且看小齋菊抵掌共凭闌

減字木蘭花 次昌甫韻

年光虛度能得幾
多消散處莫恨歸遲得見新詞不自持
山中酒裏笑語喧譁知有弟此意誰如世事紛紛一任渠

生查子 梅溪橋閣詞

霜葉柳塘風
煙蕊梅溪渡
茅店問村醪未許空歸去
倚杖小徘徊寫我吟邊句
醉眼復何之落日孤鴻處

西江月

聞道晚春時候暖風是處花飄游人爭渡水南橋多少池塘春草

躍馬誰聯玉勒釣魚應泛蘭橈韶光何限不逍遙輸與溪鷗野

鳥

朝中措

和吳子似

春濃人靜倦游嬉煙雨戰棠梨翠徑亂紅無數頻啼枝上黃鸝
小園流水濺濺處綠徧謝家池怨月恨花滋味淚痕猶染羅衣

小重山

和吳子似

雲影收晴雨外明碧溪春澹澹落花平鶯聲催我過橋行人何在
詩酒淡心情閒裏興還生錦鱗題尺素有誰能草邊芳徑柳邊
城歸來也清夢繞山屏

臨江仙

怨閣

脆管繁絃無覓處小樓空掩遙山柳絲直下曲闌干海棠紅欲褪
玉釧怯春衫殢酒不成芳信斷社寒新燕呢喃雕盤慵整寶香
殘綺疏明薄暮簾外雨潺潺

朝中措

平江施倅生朝

五湖煙水百花洲別乘最風流人道紫樞家世清時衮衮公侯

名園綠水春無價蜀錦舞纏頭眉壽年年今日寶杯香鶴飛浮

月宮春

和吳尉

柳嬌花妒燕鶯喧斷腸空眼穿一春風雨夜厭厭不聞鐘鼓傳

香冷曲屏羅帳掩園林誰與上秋千憶得年時鳳枕日高猶醉眠

浣溪沙

芍藥酴醾滿院春門前楊柳媚晴曛重簾雙燕語沈沈花映綠
嬌初日嫩葉棲紅小晚煙昏輕雷不覺送微陰

鷓鴣天

煙禁荒荒雨濕雲近郊爭出滿城人兒童藉草幾成市杯酒沾花
不覺村身又老眼增明回頭一任是紅塵山中誰信無寒食澗
上如何且採蘋

一叢花

次韻斯遠

翻空雪浪送飛花春曉媚霜華風迴點點迷人處峭寒輕詩思殊
佳雙燕未來斷鴻何在微雨又天涯綺窗明暗是誰家雕檻馥
蘭芽畫檐簾幙黃昏後試傾杯笑語喧譁聚散人生吾儕老矣醉

墨任橫斜

眼兒媚

東風拂檻露猶寒
花重濕闌干
淡雲帶日
晨光微透
簾幙香殘
陰晴不定
瑤塔潤新恨
覺心闌憑高望
斷綠楊南陌無限關山

青玉案

蘇公隄上西湖路
柳外躍青驄
去多少
韶華驚暗度
南山游徧北
山歸後
總是題詩處
如今老矣傷春暮
澤畔行吟漫尋句
落拓情懷空自許
小園芳草短籬修竹
點點飛花雨

浣溪沙

和辛卿
壁間韻

只恐山靈俗
駕回海鷗飛下
莫驚猜
機心消盡重徘徊
宿雨乍晴
千澗落曉雲微
露兩山排新苗
時翼好風來

朝中措

戲贈
鄭幹

扁舟撐月轉江湖
煙水湛金鋪
篷底曉涼歌罷
肌膚冰雪初扶
詩人自是風塵表
佳處句能摹屬玉
一雙飛去荷花香動菰蒲

明月棹孤舟

逢子似清河坊
市中客樓小飲

忽得相逢驚似舊
問山中酒徒詩友
閒倚晴樓長安市
上華髮爲君搔首
綠竹疏梅今在否
對西湖夕陽煙岫
鴻雁聲中人閒今古
還是醉醒時候

江城子

德久同醉子似出新
置佐酒和德久詞

天孫應爲織雲裳
試宮妝
問劉郎
湖上波寒依舊遠
山蒼自是老來心事
嬾空落拓少年場
揮豪閒與細端相
記嚴揚陋蘇張興到一杯微醉亦成章
回首片帆西去也
何日更共清狂

冉冉雲

倚徧闌干弄花雨
卷珠簾
草迷芳樹
山崦裏幾許雲煙來去
畫不就人家院宇
社寒梁燕呢喃舞
小桃紅海棠初吐
誰信道午醉醒時情緒閒整春衫自語

謁金門

花影半晴色乍開
雲卷擇勝尋春愁日短
雨餘山路晚澗底桃花
深紅滿人意不禁閒遠
胡蝶繞枝啼鳥怨
東風吹酒面

滿庭芳

王寺簿
生朝

點點淮山迢迢江水分明別是風光地靈人傑星斗爛文章初度
充閭佳氣當年瑞應弄珪璋薰絃奏涼宵寶月玉井藕花香 清
眞如逸少蘭亭修竹曲水流觴想醉鄉日永地久天長小駐屏星
懷玉飛鳬烏元在鵷行功名事雲龍風虎行矣佩金章

浣溪沙

一曲西風醉木犀天香吹夢入瑤池釵橫猶記未開枝 花重嫩
舒紅笑臉葉稀輕拂翠顰眉酒醒殘月雁聲遲

又
次韻
昌甫

山氣吹雲寶月涼園英承露菊花黃吾生只合醉爲鄉 悵望佳
人因共賦分明佳節是重陽酒邊猶發少年狂

又
次韻
昌甫

莫問星星鬢染霜一杯同看月昏黃放歌漁父濯滄浪 卻憶手
栽雙柳句眞成雲漢挾天章蘇仙何在立蒼茫

又

霜後黃花尙自開老年情緒爲何哉株株渾是手親栽 秋際有

言揮玉塵冬來無夢繞金釵相思一夜發窗梅

江城子

雪消霜入小溪舟試浮游上山頭薄薄寒煙依舊未全收問道梅
花開也未吟不盡一春愁襟懷如此老還休嬾凝眸轉深幽詩
罷一眉新月又如鉤臘後春前村意遠回棹穩水西流

浣溪沙
野色軒看
玉色木犀

月角珠庭映伏犀扶搖當上鳳凰池廣寒曾折最高枝 壯志還
同諸葛膝清名還似紫芝眉梅花春壽酒行遲

鷓鴣天
次韻
昌甫

老去情懷酒味中水邊林下古人風歲云暮矣江空晚誰識儋州
禿髻翁人易遠語難工春時猶記一尊同苦心未免皆如此祇
合揮絃目送鴻

風入松

小樓春映遠山橫綠徧高城望中一片斜陽靜更萋萋芳草還生
疏雨冷煙寒食落花飛絮清明 數聲絃管忍重聽猶帶微醒問

春何事春將老春不語春恨難平莫把風流時節都歸閒淡心情

菩薩蠻

小園紅入春無際新聲休寫花閒意一笑喚眞眞香願酒未醒

惜芳追勝事暢飲餘詩思無處說衷情暗塵羅帳生

謁金門

和昌甫

花肅肅楊柳三眠未足一棹溪山新漲綠舊歡無夢續莫問杜

鵲啼蜀只有江南水竹北客淒涼無伴獨春山生草木

又

幽意熟吟嘯春風自足爽氣初生晴未燠相逢休問卜畫出高

山盤谷巖上飛雲相逐他日江東思渭北斷絃誰爲續

卜算子

中秋前一日和昌甫所寄

一雨已秋深月色寒而靜夜半披衣草樹閒玉露團清影長笛

倚樓聲聽徹還重省手啓柴門倦復關雲臥衣裳冷

醉蓬萊

上太守守

慶文章太守燕寢凝香誕彌佳節庾嶺歸來又經年梅發棋酒心

情笙歌滋味便合朝天闕玉作山前冰爲水際幾多風月綠鬢

朱顏浩然相對自是中原舊家人物鷁鷺班回尙記陪清切好把

胸蟠萬卷談笑了濟時勳業錦幄初溫寶杯深勸舞迴香雪

朝中措

爲茲春酒壽詩翁我輩一尊同香動梅梢圓月年年先得東風

冰溪清淺流環玉蓮幙漫從容但願人生長久揮絃目送飛鴻

太常引

小春時候臘前梅還知道爲誰開應繞百千回夜色轉參橫斗魁

十分孤靜替伊愁絕片月共徘徊一陣暗香來便覺得詩情有

涯

朝中措

次韻昌甫見寄

誰翻新曲玉溪濱何日得爲鄰醉裏行歌相答步隨泉石松雲

如今又是梅時候只有眼中人魂斷幽香孤影花前閒整衣巾

戀繡衾

溪風吹雨晚打窗把心情闌入醉鄉記取在山深處我如今雙鬢

已蒼 夜闌寒影燈花淡夢難成清漏更長寶瑟斷鸞膠續淚珠彈猶帶粉香

一翦梅臘前梅

一朵梅花百和香淺色春風別樣宮妝西湖衣鉢更難忘雪意江天渾斷人腸 清夜橫斜竹影窗贏得相思魂夢悠揚玉溪山水雲鄉茅舍疏籬不換金章

蝶戀花三十日歸途村店市酒成季子任同酌而歌

道上疏梅花一樹人去來不管流年度閒過南籬同散步東風爲我吹香去 試問青春今幾許明日新正溪影橫山暮遮莫攀翻君且住心兒卻在題詩處

又

盡道今年春較早梅與人情覺得梅偏好一樹南籬香未老春風已自生芳草 來自城中猶帶曉行到君家細雨吹池沼悵望沙坑須會到玉溪此意年時少

生查子

山意入春晴都是梅和柳白白與青青日映風前酒 歸去也如何路上休回首各自做新年柳裊梅枝瘦

探春令

暗塵明月小桃枝舊家時情味問而今風轉蛾兒底有誰把春衫試 景龍燈火昇平世動長安歌吹這山城不道人能記甚村酒偏教醉

臨江仙

羅帳畫屏新夢悄綠窗慵起香殘重簾生怕倚闌干春風吹玉水春雪滿靈山 梁燕未來歸雁動海棠纔帶紅酣酒愁花恨雲時閒煙雲催薄暮絲雨濕輕寒

眼兒媚社日

風回香雪到梨花山影是誰家小窗未晚重檐初霽玉倚蒹葭社寒不管人如此依舊在天涯碧雲暮合芳心撩亂醉眼橫斜

臨江仙

六月二日病差出門散適

竹樹陰陰流澗水黃鸝飛去飛還蓬門籬落小橋灣更無塵迹到

我自愛其閒 雨又隨風催薄暮
輕雷時動雲斑歸來涼意一窗
閒病餘真倦矣睡熟簾紋寬

蝶戀花

野趣軒看
玉色木犀

斜日清霜山薄暮行到橋東林竹疑無路
小院橫窗香嚙霧膽屏
曲几花如雨 細酌心情因少駐
九萬剛風寒影吹瓊素不是月
宮那有許霓裳舞徹淩波步

柳梢青

玉水明沙峰回路轉城倚橋斜老我登臨同誰酌
酹一望還賒
飛鴻杳靄天涯但拚取心情酒家紫菊枝枝紅茱顆顆
休問年華

滿庭芳

玉水靈山霜天清曉非煙非霧琴堂載臨初度圭壁
記煌煌百里
民安撫字歡呼處禾黍登場今年好爲茲春酒莫惜
醉淋浪 神
仙口領袖山河勳業星斗文章便黃扉青瑣會遇明
良願賜尙方
之劍攀檻折於古輝光飛鳧去甘棠遺愛留與話
桐鄉

菩薩蠻

風前覓得梅花句香來自是相分付
片月動黃昏一枝橫酒尊
人閒何處有又到春時候莫負此詩家將心吟好花

賀新郎

十三日小園梅枝微
紅點綴便覺可句

梅蕊依稀矣歲華深翛然但把杖藜閒倚山繞荒林紅葉下落日
孤城煙水意興寄云何則是底事疏枝橫絕峭未吹香便與花相
似不忍折爲之喜 寒鴉萬點霜風起正人家園收芋栗小槽初
美欲醉阿誰同一飲擬賦纔成又止老態度渾侵髮齒摸索孤根
春在否任紅紅白白皆桃李空爛漫豈能爾

百字令

詔飛天上看金狻繫馬西湖風月朝罷香煙攜滿袖身在瓊樓玉
闕錦繡肝腸珠璣欬唾綠鬢非華髮與誰經濟濟河山應笑吳越
且把春酒尋梅年年眉壽坐對南枝發兵衛朱門森畫戟醉舞塵
生羅襪山面高堂溪浮新艦留取邦人說等閒餘事一時如此奇
絕

菩薩蠻

趙昌甫折黃蘗梅來且
寄菩薩蠻次韻賦之

隴頭無驛奚爲朵巖前有折宜來墮風急雪雲溪詩清滿意攜
竹鑪良夜飲飲竟煎僧茗梅以句深長得花情未忘

小重山

點染煙濃柳色新小桃紅映水日初勻露收芳徑草鋪茵凝情久
風淡起輕塵 梁燕已爭春折花閒伴酒試濡脣流鶯何處語聲
頻闌干曲蜂蝶更隨人

感皇恩

和吳推官

急管度青枝醉眠芳草雲斷巫陽夢能到乍醒餘困晴影暗移紗
帽舊時閒意思都忘了 今歲春遲去年春早點點繁紅又多少
惜春歸去酒病翻成花惱數聲鳴鳥喚人驚老

又

詩社酒徒閒村村花柳月榭風亭更霞牖臨春結綺又是那回時
候不禁中夜雨相催慙 弄蕊攀條爲尋芳酒一斗誰能問千首
江南雲夢空說氣吞八九持杯人共我能吟否

瑞鷗鴂

辛鎮江有長短句因韻偶成愧非禹步爾

南蘭陵郡鷗鴂詞底用登臨更賦詩貴不能淫非一日老當益壯
未多時 人閒天上風雲會眼底眉前歲月知只有海門橫北固
宦情隨牒想推移

浣溪沙

同昌甫飲南池

屋上青山列晚雲水邊紅袂映斜曛柳陰荷氣簟湘紋 酒以歌
長誰樂事詩成杯灑我離羣香消涼意有南薰

又

次韻昌甫

作意如何和好歌細翻重看得長哦曉梧吹雨露明荷 老我從
他琴下爨故人元自笛亭柯北山煙岫鬱嵯峨

又

鴉矯荒寒燕復低門前長草與人齊長橋南畔小橋西 安得有
詩同爾句可教無酒泛其杯相思常苦易離攜

鷗鴂天

只唱離歌一疊休玉溪浮動木蘭舟如何又對雲煙晚不道難禁
草樹秋 空脈脈忍悠悠綢繆終是轉綢繆相思相見知何處記

取新歡說舊游

滿江紅

陳玉局
生朝

歸錦堂成雲漢上天垂新畫有朱顏綠鬢禁林仙客玉局暫從香
火社金龜未報文章力看彤庭賜第別承恩居君側斑衣戲蟠
桃摘翠袖倚歌檀拍正祥開初度頌聲千百又是臘前梅態度幾
多春近花消息想明年今日醉西湖光輝赫

好事近

一澗水南山臘盡春生梅雪行過小橋深處帶疏鐘橫月 征衫
閒著指東吳休怕與人別吟到翠圓枝上是歸來時節

菩薩蠻

胡敦
生朝

南枝已見春消息今年爲壽方知得俾爾熾而昌流霞浮暗香
蓬壺清淺水笑指雲堦喜高論有規模平戎賦兩都

浣溪沙

風軟湖光遠蕩磨春衫初試薄香羅踏青無計奈君何 莫笑老
來多歲月肯教閒去少詩歌長安陌上有銅駝

謁金門

春尙早春入湖山漸好人去人來雖未老酒徒猶恨少 梅落桃
開煙島日日更吹香草一片芳心拚醉倒冷雲藏落照

祝英臺近

寒食
詞

館娃宮采香徑范蠡五湖側子夜吳歌聲緩不須拍崇桃積李花
閒芳洲綠徧更冉冉柳絲無力 試思憶老去一片身心孤負好
春色古往今來時序惱行客去年今日山中如何知得卻又在他
鄉寒食

浣溪沙

過盧
申之

梅葉陰陰占晚春博山香盡玉嶙峋茶甌酒椀試濡脣 閒裏常
愁無伴侶老來不是有情人牡丹天氣惜芳辰

洞仙歌

次韻斯遠所
賦清溪一曲

溪山好處贏得題新曲待足人生甚時足問臨流情味倚徧斜暉
應似畫小景生綃一幅 漁舟聲欸乃巖上雲飛杳杳歸鴉去鴻
逐任當年伊呂談笑興王爭敵恁閒眠野宿待雪天月夜我還來

醉瀟灑清幽那些兒屋

點絳脣

山回春生探梅只道今年早暗香迎曉人與花能好
歲歲持杯
天地同難老須吟嘯放開懷抱更約尋瑤草

減字木蘭花

菊花開了待得梅梢來索笑雪色江波看盡千林未覺多
一丘
緩步只恐朝來有新句歲歲年年白髮催人酒邊

采桑子

蕭蕭兩鬢吹華髮老眼全昏徙倚衡門歲晚寒消澗水痕
含情
更覺滄洲遠欲語誰論窈窕孤村細雨梅花只斷魂

又十四

華燈自是年年好月淡煙空依舊東風簫鼓吹香醉臉融
謝他

詩侶還相覓雨迹雲蹤不分情濃柳淺梅深鬢影鬆

好事近

次韻
昌甫

北客過江來贏得家家都老屈指中興人物到如今誰好
散奄

常是愛山林健筆勝揮掃我則臨風三歎信兒曹驚倒

減字木蘭花

昌甫以裕叔夜語作曲
戲用杜子美詩和韻

一杯易足自斷此生猶杜曲詞客哀時不敢愁來賦別離
孤城
麥秀常愧葛洪丹未就詩罷長吟衰晚遲回違寸心

鷓鴣天

次韻趙路分
生朝所賦

便把山林寄此身也須詩酒屬吾人仙家舊是金堂士吏隱新收
玉局名
惟自樂不憂貧淵明談笑更清真年年眉壽登高後醉
帽常留菊滿簪

好事近

鄭倅
生朝

臘雪映江梅冰玉更分風月袞袞紫樞家世慶誕彌時節
烘堂
贏得戲萊衣春酒寶盃凸籍籍鄭莊人物要漢廷勳業

太常引

呈昌甫

隨風和雨帶煙開更清冷照崔巍片片亦佳哉細看得花如剪裁
茅檐出沒水浮橋外人自雨峰來吟到澗泉梅問何似山陰道

回昌甫有春浦雪
澗泉梅之句

西江月

次韻趙路分

脈脈蜂黃蝶粉盈盈水秀山明賣花聲裏聽吹錫佳麗芳華韻勝
下上休看舞燕惺忪一任啼鶯枕痕屏曲夢關情酒醒春宵漏
盡

謁金門

次韻鄭發源

行又住水遠山遙村路把酒問春春幾許老年花似霧 坐上風
流張緒留我我還難去卻憶章臺飛柳絮只愁縈暮雨

繞池游慢

趙倅游濠作繞池游慢約同賦

荷花好處是紅酣落照翠藹餘涼繞郭從前無此樂空浮動山影
林篁幾度薰風晚留望眼立盡濠梁誰知好事初移畫舫特地相
將 驚起雙飛屬玉縈小楫衝岸猶帶生香莫問西湖西畔□□
九里松下侯王且舉觴寄興看閒人來伴吟章寸折柏枝蓬分蓮
實徒繫柔腸

鷓鴣天

壽福國陳夫人

靜樂堂中禪悅身相家慶襲兩家春瑤池雲氣冲霄鶴蘭砌風標

瑞世麟 華屋邃寶杯新年年秋與月常明笙簫且奏長生曲宜

勸還看送喜頻

憶秦娥

茉莉

香滴滴肌膚冰雪嬌無力嬌無力秋風涼冷有誰消得 洗妝不
奈雲鬢側壁堂珠院空相憶空相憶輕顰淺笑小梅標格

朝中措

寄元立

薰風兩節照稽山三百里湖間鏡上誰爲賀老棹船能伴官閒
今年壽日不妨吟嘯還上清班爲寄長生新曲齊眉想見酡顏

醉落魄

次韻斯遠

風高木落壯心萬里空回薄振衣待把塵埃濯聲裏斜陽孤起戍
樓角 人生誰會誰爲錯年來但覺多離索黃花照地渾開卻華
髮如斯同和醉落魄

朝中措

約和卿敬之持醪爲文叔生朝

山林鍾鼎似無同舒卷有窮通洗出壺中三峽帝城贏得從容
黃流亂注狂瀾旣倒砥柱能東此際誕彌杯酒宜歌風虎雲龍

西江月

十一月初六日夜偶成

日日山迷水癖年年書惱詩癡尋思那裏要他知試比古人猶未
往往眼甜口苦常常心是身非如何則甚破他疑只學今人足
矣

阮郎歸

客有舉詞者因以其韻賦之

小樓秋霽碧闌干中人初薄寒霜風吹我到湖山平林斜照殘
空闌裏有無閒牽蘿翠袖閒籃輿興盡卻愁還斷腸歌未闌

好事近

同仲至和探梅

湖上有孤山合把探梅詞刻清淺黃昏時候冷疏枝寒色 窗前
忽到又如何一夜足相憶信道收香藏白報春風消息

浣溪沙

買得船兒去下湖這些天氣近來無清和風裏綠陰初 酒不爲
渠閒放蕩詩應嫌我太粗疏酒徒詩社復何如

又

寄文叔生朝

江上新涼入酒杯瑞芝堂祝壽筵開五樓百雉更崔嵬 勞來流

離施菽麥作成豐稔到田萊便朝天去也徘徊

醉桃源

昌甫有曲名之濯纓因和

殘春風雨繞檐聲山空分外鳴閒來落佩倒冠纓尙餘親舊情
人不見句還成又聽求友鶯濯纓一曲可流行何須觀我生

浣溪沙

徐倅生朝

留得菖蒲酒一杯與公今日壽筵開靈山排闥送青來 須信南
州高士後持荷持節照蘇臺瑞雲深處是三台

醉桃源

和昌甫

固窮齋裏語吾生言之必可行扶疏夏木旣啼鶯更逢魚計成
多雅尙少時情滄浪漁父纓高歌寧與俗爭鳴朱絃疏越聲

減字木蘭花

初五日昌甫生朝因慶七十

從心所欲高蹈祠官惟見獨其壽伊何古井章泉水不波 臘前
梅好玉潔日光香耐老才大三千首首清詩得自編

菩薩蠻

和昌甫見招

歸來又喜山中約菊枝桂樹眞宜酌興盡只觀山秋深方閉關